



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

ՀՊՄՀ
Հիմնադրված 1922

6 ՀՈԿՏԵՄԲԵՐԻ
2025 թ.
№ 13 (1150)

Թերթի առաջին համարը լույս է տեսել 1965 թ. մարտի 11-ին
երկաթբաթերթ • հրատարակման 60-րդ տարի

ԽԱՉԱՏՈՒՐ ԱՐՈՎԱՅԱՆԻ ԱՆՎԱՆ ԸԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

Շնորհավոր տունդ, Ուսուցիչ

Սիրելի՛ ուսուցիչներ, կրթության նվիրյալներ,
Սիրելի՛ գործընկերներ,
Սիրելի՛ մանկավարժական ընտանիք:

Սրտանց շնորհավորում եմ Ուսուցչի օրվա առթիվ:
Այս օրը բացառիկ հնարավորություն է երախտագիտությամբ արժևորելու ձեր անձնվեր առաքելությունը՝ սերունդներ կերտելու, գիտելիք տարածելու և արժեքներ սերմանելու գործը:



Դուք ոչ միայն գիտելիք եք փոխանցում, այլև ձևավորում եք անհատականություն, դաստիարակում քաղաքացի, ուղեկից և խորհրդատու դառնում յուրաքանչյուր աշակերտի ճանապարհին: Ձեր գործն անփոխարինելի է: Ձեր խոսքն ու վերաբերմունքը հաճախ դառնում են ապագայի ընտրության սկիզբ:

Մանկավարժական համալսարանը, որպես հայ ուսուցչի դպրեմոց, բարձր է գնահատում ձեր նվիրվածությունն ու հավատարմությունը կրթական մեծ առաքելությանը: Մենք հպարտ ենք մեր շրջանավարտներով, որոնք իրենց գործունեությամբ պատվում են թե՛ համալսարանը, թե՛ ուսուցչի կոչումը:

Այս օրն առանձնահատուկ խորհուրդ ունի մեզ համար, քանզի ուսուցչի օրը տոն է ոչ միայն գործող ուսուցիչների, այլև նրանց համար, ովքեր պատրաստում են ուսուցիչ. տոնն է նաև մեր համալսարանի, մեր գործի ու մեր հավատքի:

Մենք Մանկավարժական համալսարանում ամեն օր կառուցում ենք վաղվա դպրոցը՝ նախառաջ ձևավորելով ուսուցչի կերպարը: Եվ որքան մեծ ու պատասխանատու է այդ առաքելությունը, այնքան ավելի մեծ նվիրում, ջերմություն ու սեր է պահանջվում: Ու հենց այդ սերն է, որ ապրում է մեր ուսանողի մեջ՝ որպես ապագա ուսուցիչ, մեր դասախոսի մեջ՝ որպես օրինակ ու մղիչ ուժ, մեր համալսարանի մեջ՝ որպես հիմնարար արժեք:

Այս տոնը ևս մեկ առիթ է արտահայտելու խորին շնորհակալություն մեր երկրի բոլոր ուսուցիչներին, ինչպես նաև մեր համալսարանի ողջ անձնակազմին, որոնք մասնակցում են ուսուցչի կերտելու այս վեհ գործին:

Թող ձեր սրտերում երբեք չսպառնա լույսը, ձեր աչքերում չմարի հավատը, ձեր քայլերում՝ չթուլանա նպատակի ուժը:

Շնորհավորում եմ ձեզ Ուսուցչի օրվա առթիվ՝ մաղթելով ստեղծագործ ուժ, ջերմեռանդություն և անսպառ ներշնչանք:

ՀՊՄՀ ղեկավար Սրբուհի ԳԵՎՈՐԳՅԱՆ



«Ուսուցչի մասնագիտությունը միայն գործ չէ, այն կոչում է, ծառայություն է մարդուն ու հայրենիքին»

Մանկավարժական համալսարանի առաջին կուրս ընդունված ուսանողների հերթական սերունդը մասնակցեց ուսուցչի առաքելությանը նվիրվելու երդման ամենամյա արարողությանը:

Սիջոցառումը մեկնարկեց Հայաստանի Հանրապետության հիմնի հնչյունների ներքո, որից հետո առաջին կուրսեցիներին ողջունեց Սկզբնական կրթության ֆակուլտետի ուսանողական խորհրդի նախագահ, մագիստրատուրայի 1-ին կուրսի ուսանողուհի Արուս Այվազյանը:

«Օրը խորհրդանշական է և մեկ անգամ ևս փաստում է, որ կրթությունն է մեր ամենամեծ մասնագիտական, անձնական և հասարակական հաջողությունների հենասյունը: Այս գիտակցումով էլ փաստում են, որ իմ հաջողությունները կապված են Մանկավարժական համալսարանի հետ, որը տալիս է որակյալ կրթություն, ձևավորում ամուր արժեքներ, որոնք ոգեշնչում են ուսանողին ոչ միայն ուսման մեջ, այլև կյանքում նպատակասլաց ու համառ լինելու և կրթության հզոր ուժը մարդկանց մեջ սերմանելու ճանապարհին», -ասաց բուհում բազմաթիվ հաջողություններ գրանցած ուսանողուհին:

Նա իր կրտսեր ընկերներին հորդորեց՝ լինել հետևողական, աշխատասեր, սիրել ընտրած մասնագիտությունը և դառնալ լուսավոր ապագային միտված քայլեր անող մասնագետներ:

«Ընտրելով Մանկավարժական համալսարանը՝ դուք ընտրել եք ոչ թե պարզապես մասնագիտություն, այլ առաքելություն, -ասաց Արուս Այվազյանը՝ հավելելով՝ ուսուցչի մասնագիտությունը միայն գործ չէ, այն կոչում է, ծառայություն է մարդուն ու հայրենիքին: Ուսուցիչը ձևավորում է սերունդների մտածողությունը, կերտում է ապագան, փոխանցում արժեքներ և ոգեշնչում դեպի բարին: Մանկավարժականում անցկացրած ձեր ուսումնառության տարիները լինելու են որոնումների, բացահայտումների և մեծ ձեռքբերումների տարիներ»:

Առաջին կուրսեցիներին ողջունեցին ԿԳՄՍ նախարար, ՀՊՄՀ Հոգաբարձուների խորհրդի նախագահ Ժաննա Անդրեասյանը, ՀՊՄՀ ղեկավար, հոգեբանական գիտությունների դոկտոր, պրոֆեսոր Սրբուհի Գևորգյանը, Հատուկ և ճերմակ կրթության ֆակուլտետի դեկան, պրոֆեսոր Գոհար Հովյանը:

«Այն ուղին, որ ընտրել եք, ուղղակի մասնագիտություն ստանալու գործընթաց չի: Դա իսկապես մի ողջ առաքելություն է», -ասաց ԿԳՄՍ նախարարը:

Նա վստահեցրեց, որ Մանկավարժական համալսարանում ուսանելու տարիներին ուսանողների սովորածը օգնելու է իրենց, որ հետո սովորեցնեն բազմաթիվ երեխաների, որպեսզի մեր երկրի զարգացումը կայանա նաև իրենց ջանքի շնորհիվ:

Նախարարը փաստեց՝ ուսուցչի աշխատանքը ամենաբարդ ու ամենածանր, բայց նաև ամենաշնորհակալ աշխատանքն է:



Սիլվա ԱՍՐՅԱՆ

ՇՆՈՐՀԱՎՈՐՈՒՄ ԵՆՔ



Հայ-ռուսական (սլավոնական) համալսարանում բունի օրվան նվիրված հանդիսավոր արարողության ընթացքում ԸՊՄՀ ռեկտոր, հոգեբանական գիտությունների դոկտոր, պրոֆեսոր Սրբունի Գևորգյանին Հայ-ռուսական (սլավոնական) համալսարանի Գիտական խորհրդի որոշմամբ շնորհվել է «ԸՌՀ պատվավոր պրոֆեսոր»-ի կոչում, որը շնորհել է բունի ռեկտոր Էդվարդ Սանդոյանը:

ԸՊՄՀ ռեկտոր Սրբունի Գևորգյանը կոչմանն արժանացել է Հայ-ռուսական համալսարանի հետ երկարատև և արդյունավետ գիտական և կրթական համագործակցության, հոգեբանության և մանկավարժության ոլորտում նշանակալի նվաճումների, Հայաստանի կրթության և գիտության համակարգի զարգացման գործում ունեցած ներդրման համար:

ԱՆԿԱԽՈՒԹՅԱՆ 34-ՐԴ ՏԱՐԻ

«Անկախությունը, անկախ Հայրենիքն իրավունք լինելուց առաջ պարտականություն է, որից խուսափող ժողովուրդները կորցնում են իրենց բարոյական գոյության իրավունքը:

Ազգերի հանճարը ստեղծագործ, իսկ նրա արտահայտությունը հորդաբուխ է լինում միայն բացարձակ անկախության մթնոլորտում: Ահա թե ինչու մարդկությանն ավելի օգտակար լինելու համար ժողովուրդները պիտի լինեն ինքնիշխանորեն ազատ և անկախ»:

Փարեգին Նժդեհ

«Կը խորհիմք թե Սեպտեմբերի 21-ի այդ-ն ոչ թե լրումն է մեր անկախության խտելի, այլ շարունակումն է անկախությանն առաջն վճռական ու գործարար գործընթացի, ապահովումը մեր հայրենիքի քաղաքական անվտանգության և տնտեսական զարգացման:

Հայոց աշխարհի հորիզոնի վրայ, ահա բարձրանում է անկախությանն աստղը:

Օրինութիւն և փառք ճառագայթող այդ աստղին ու յաւետ ազատ՝ արմենական մեր ազգին»:

Վազգեն Առաքին

Ավարդական աշխատանքի նոր պահանջներին միարժեք հանդիպումները շարունակվում են

Մանկավարժական համալսարանում սեպտեմբերի 17-ից մեկնարկել և շարունակաբար կազմակերպվում են հանդիպումներ համալսարանի ֆակուլտետների պրոֆեսորադասախոսական կազմի հետ: Հանդիպման նպատակը բակալավրիատի ավարտական աշխատանքների և մագիստրոսական թեզերի կառուցվածքային տարրերի և բովանդակային մոտեցումների մասին իրազեկելն է և համատեղ քննարկումը:

Հանդիպումները վարում են ՀՀՊՄՀ աշխատակազմի և միջազգային համագործակցության գծով պրոռեկտոր Մարիաննա Հարությունյանը և ռեկտորի խորհրդական Հակոբ Թադևոսյանը: Նրանք հանգամանորեն ներկայացնում են բակալավրի ավարտական աշխատանքների ու մագիստրոսական թեզերի փոփոխությունները, փաստելով, որ դրանք համապատասխանեցվել են միջազգային ընդունելի չափորոշիչներին:

Նոր փաստաթուղթը, որը նկատելիորեն ավելի դյուրին կդարձնի ուսանողների աշ-

խատանքը, հանգամանորեն ներկայացնում է ռեկտորի խորհրդական Հակոբ Թադևոսյանը: ՀՀՊՄՀ պրոռեկտոր Մարիաննա Հարությունյանը մեկնաբանում է և պատասխանում դասախոսանքների հարցադրումներին:

Բովանդակային կառուցվածքի փոփոխությունների հետ մեկտեղ ներկայացվում են նաև ծավալային փոփոխությունները: Բակալավրիատի ավարտական կուրսի ուսանողն այսուհետև իր ուսումնասիրության մեջ պետք է անդրադառնա հիմնախնդրի սահմանմանն ու արդիականությանը, հետազոտության նպատակին, հետազոտական հարցին, հետազոտության կարևորությանն ու սահմանափակումներին:

Շատ կարևոր է գիտական աղբյուրների վերլուծությունը: Ինչպես ընդգծում է պրոռեկտորը՝ ուսանողին պետք է սովորեցնել վերլուծություն անել, հետազոտական հարցերը ձևակերպել՝ ելնելով մասնագիտական առանձնահատկություններից, ունենալ հստակ հետազոտական հարց, որը պետք է հենվի նպատակի վրա և պայանամավորված լինի արդիականությանը:

Աշխատանքի երկրորդ գլխուն պետք է ներկայացվի աշխատանքի մեթոդաբանությունը՝ հետազոտության մեթոդների հստակ ձևակերպմամբ, իսկ երրորդ գլխուն պետք է անդադառնալ հետազոտության արդյունքներին, որից հետո արդեն՝ ամփոփում, եզրակացություններ, քննարկում և առաջարկություններ:



Մագիստրոսական թեզի պահանջները բարդ են բովանդակային առումով, ծավալներն ավելի մեծ, անհրաժեշտ է գրականության քննադական վերլուծություն ներկայացնել, որի հետազոտական աշխատանքի ընթացքում կարող են անգամ բախվել տարբեր օրենքների:

Պրոռեկտորն անդրադառնում է մի շարք խնդիրների՝ կապված հետազոտական աշխատանքների հետ: Հինգ տարվա ուսումնասիրություններից պարզվել է, որ բունի ուսանողների ավարտական աշխատանքները չեն համապատասխանում ներկա պահանջներին և փոփոխությունների լուրջ կարիք ունեն: Մշակված մոտեցումները միտված է այդ փոփոխությունների ներառմանը, ավելի ճիշտ՝ պետք է ամբողջությամբ վերանայել ավարտական աշխատանքների ու մագիստրոսական թեզերի հանդեպ գոյություն ունեցող հին մոտեցումները: Նոր պահանջները արդյունավետ աշխատանքի հնարավորություն կընձեռեն, կուղղորդեն ճիշտ ներկայացնել հետազոտական աշխատանքը՝ ելնելով նրան ներկայացվող պահանջներից:





Մենք պատասխանապարտ ենք սերունդների ապագայի համար

Մեր ՀԱՐՅԱՋՐՈՒԹՅՈՒՆ ԷՐԵՎԱՆԻ ՀԱՆՐԱՊԵՏՈՒԹՅԱՆ ԴՊՐՈՒՅԻ ՏԵՐԵՆ ՍՈՒԱՐԱՆԱ ՎԵՐՈՒՆԱԼԱՆԻ ՀԵՏ

-Տիկին Վարդանյան, հեշտ է արդյոք մեր օրերում լինել դպրոցի տնօրեն:

-Կրթությանը ներկայացվող հասարակական պահանջը ձևավորվում է քաղաքական և տնտեսական համընդհանուր պահանջներին համապատասխան, հետևաբար ցանկացած ժամանակաշրջանում էլ դպրոցի տնօրենը պետք է կարողանա ապահովել իրեն վստահված շահառուների կարիքների բավարարումը: Իսկ դա հեշտ լինել չի կարող: Բազմաշերտ համայնք, ստեղծագործ և հետևողական աշխատանք, նորարարությունների ու փոփոխվող գործոնների հետ համահունչ քայլք, ժամանակի զգացողություն, ապագայի տեսլական (երկար կարելի է թվարկել): այս ամենը տնօրենի ամենօրյա գործառնությունների մի մասն է կազմում: Դժվարություններից է նաև պատասխանատվության մեծ չափաբաժինը անչափահասների հետ տարվող աշխատանքում: Մենք պատասխանատու ենք նաև պետության և հասարակության, ինչպես նաև սերունդների ապագայի համար:

- Դպրոցը ղեկավարելու գործում հատկապես Ձեր ո՞ր հատկանիշներն են կարևորում և ինչո՞ւ:

-Ազդեցություն ունակությունը, համայնքին վստահելու, միշտ լսելու և ընկալելու պատրաստակամությունը: Այս հատկանիշներն ինձ օգնում են լավ հարաբերություններ հաստատել սովորողների, աշխատակիցների, ծնողների հետ, և շահում է գործը:

-Ձեր դպրոցը. ինչո՞վ է այն տարբերվում մյուս դպրոցներից կամ նմանվում:

-Մայր Աթոռ Սուրբ Էջմիածնի հովանու ներքո գործող Երեւնեան հանրակրթական դպրոցի ողջ համայնքն իր առավելագույնը սկսում է Տերունական աղոթքով. ուսուցիչ, սովորող կողք կողքի ակնհայտ էր դառնում մեկ-մեկու՝ միմյան դպրոց մտնելը: Դասարաններում սովորողների թիվը 16-ը չի գերազանցում. ուսուցիչը կարողանում է հետևել յուրաքանչյուրի առաջընթացին կամ արձանագրել բացթողումները: Լավ սովորելու բոլոր պայմանները (և՛ ֆիզիկական, և՛ բովանդակային) առկա են դպրոցում: Գործում են առարկայական անվճար խմբակներ, որոնք նպաստում են սովորողների գիտելիքների ամրապնդմանը: Մասնագիտական կողմնորոշման ձևավորման համար դպրոցական արձակուրդներն անցկացնում են տարբեր կազմակերպություններում՝ Իզմիրյան բժշկական կենտրոնում, Բարձունք-5165 բարեգործական աստամաբուժարանում, Կոմվերս բանկում, Տերասա Վայն գիմնո գործարանում: Դպրոցն ավարտող բոլոր շրջանավարտներն, առանց բացառության, ընդունվում են բարձրագույն ուսումնական հաստատություններ: Սովորողների դաստիարակության ուղղությամբ տարվող աշխատանքներից առանձնացնում ենք բարեգործական և կամավորական աշխատանքները: Որպես մասնավոր դպրոց՝ առաջնորդվում ենք մեր ներքին կանոնակարգերով, որոնք որոշակի ազատություններ են տալիս դպրոցին: Դպրոցի կողքին են միշտ



և՛ Բարերարը, և՛ Հիմնադիրը. նրանց ամենօրյա զջակցությունն ավելի է գորացնում դպրոցը:

-Բնութագրեք մերօրյա դպրոցը. ժամանակակից պահանջներին համահունչ փոփոխություններ, թե՞ ժամանակակից ուսուցչին ներկայացվող անսահման պահանջներ, երբ վերջիններս չեն տեղավորվում ժամանակի մեջ, էլ չասենք վարձատրության մասին:

- Մերօրյա դպրոց՝ կիսավաճողական, ուսուցման-ուսումնառության հիմնախնդիրներով շաղախված, տարիներ շարունակ բարեփոխվող և փոփոխվող լեզուն, նորարարություններին կրկնակի հետևող: Այո, փոփոխությունները շատ են, նաև շատ արագ. հասարակության զարգացումն անընդհատ գործընթաց է, հետևաբար անընդհատ պիտի շարունակվեն կրթական բարեփոխումները: Հասկանալի է՝ ցանկալի է ունենալ լավ կրթական համակարգ, սակայն օրենքներից, չափորոշիչներից, կանոնակարգերից զատ պետք է ուշադրությունը կենտրոնացնել սովորողների սովորելու ցանկության վրա: Նոր սերունդն այսօր շատ արագ է փորձում մտնել աշխատաշուկա և գտնում է ավելի կարճ ճանապարհներ իր ուզածին հասնելու համար: Ավագ դպրոցների շատուշատ սովորողներ պարզապես ֆիզիկական ներկայություն են ապահովում և նրանց նոր չափորոշիչ կամ զանազան փոփոխվող մեթոդներ չեն հետաքրքրում: Իսկ ուսուցիչը, այո, շատ է ծանրաբեռնված. տրված թվային ազատությունն իրագործել բազմաշերտ դասարաններում, դասապրոցեսի ընթացքում հետևողական լինել 25-30 սովորողների վարքին, ուսումնառությանը, բացահայտել նրանց խնդիրները, զարգացնել սեփական աշխարհը ձևավորելու ու հասկանալու կարողությունները, հասնել վերջնարդյունքի, դասերից հետո զբաղվել ինքնակրթությամբ կամ մասնակցել վերապատրաստումների՝ առկա կամ առցանց... օրն ավարտվում է, սակայն դեռ անելիքները չեն պակասում: Վարձատրության մասն էլ է ուսուցչին ներգանում: Կամավոր ատեստավորումը որոշ ուսուցիչների համար դարձավ սոցիալական վիճակի բարելավման միջոց, սակայն որևէ հաջողություն չգրանցվեց կրթության ոլակի բարելավման ճանապարհին: Բանհիման և իրենց գործը լավ կատարող

շատ ուսուցիչներ մնացին ստվերում՝ կամավորին չմասնակցելու հիմնավոր պատճառներ ունենալով: Մի տեսակ անհավասար դաշտ է ստեղծվել: Լավ գիտելիքով զինված ուսուցիչն այսօր դպրոցում հաճախ բախվում է դասարանավարության դժվարությունների հետ և, բնականաբար, չի հաջողում գիտելիքը տեղ հասցնել: Անհրաժեշտ է նաև մանկավարժության տարրերը ևս ներառել՝ ուսուցչի ամբողջական պատկերը ստանալու համար:

Կարծում եմ՝ ուսուցչի աշխատավարձը պետք է ուղիղ համեմատական լինի իր կատարած աշխատանքի որակի հետ. կան չափելի գործիքներ:

-Անկեղծ լինե՞ք. այսօր հասարակություն-ծնող-դպրոց կապում ինչ-որ բան կորցրել ենք, որի արդյունքում սովորողները դարձել են անկառավարելի: Ինչպե՞ս հաղթահարել դպրոցականների ագրեսիվության դրսևորումները: Ո՞րն է ելքը:

-Սոցիալական կամ սոցիալ-տնտեսական գործոններն այսօր բացասաբար են անդրադարձնում հասարակության որոշ շերտերի վրա: Նյութապես ապահով և ոչ ապահով մարդիկ կարող են դրսևորել նույնատիպ ոչ պատշաճ վարքագիծ, օրինակ կամ հեղինակություն դառնալ իրենց զավակների համար: Իրավունքների և պարտականությունների ասիմետրիան չճանաչող անձը՝ ծնող թե սովորող, գլխացավանք է դառնում ուսումնական հաստատության համար: Դեռահասների անկառավարելի վարքագծի դրսևորումները բազմազան են. կան արտաքին և ներքին դրդապատճառներ: Նման երևույթները հաղթահարելու համար պետք է առաջինը փորձել վստահություն չափել գրույցների միջոցով, բացահայտել ագրեսիվության պատճառները, փորձել տալ լուծումներ, ինչպես նաև ծանոթացնել վարչական իրավախախտումների մասին օրենսդրությանը: Հաճախ է խոսվում սովորողների նկատմամբ կատարված բռնությունների մասին, մինչդեռ քիչ չեն նաև ուսուցիչների հանդեպ կատարվածները:

-Ի՞նչ կփոխե՞ք այսօրվա դպրոցում:

-Լավ կրթություն տալու համար անհրաժեշտ են մեծ ներդրումներ, մեծ ֆինանսավորում, որոնք կնպաստեն գիտակ և բանիմաց մարդկանց ներառել կրթության գործընթացում: Իսկ ես կուժեղացնեմ իմ նա-

կան դպրոցները բոլոր առումներով, պարտադիր ուսուցումը կթողնեմ մինչև 9-րդ դասարան, կվերանայեմ կրթության բովանդակությունը, ծավալները, սովորողների ծանրաբեռնվածությունը, գնահատման սանդղակը:

-Ի՞նչ մարտահրավերների եք բախվում Ձեր գործունեության ընթացքում:

-Ելնելով մեր դպրոցի կազմակերպարական տեսակից՝ ես հեշտ եմ կարողանում շրջանցել շատ դժվարություններ. դպրոցն ունի հոգաբարձուների խորհուրդ, որի անդամները կրթության բնագավառում ունեն մեծ փորձառություն, ծեռքբերումներ, և իրենց աջակցությամբ առաջ գնալը դառնում է դյուրին:

-Հատերն այն կարծիքին են, թե խորհրդային տարիների դպրոցական համակարգն ավելի ճկուն էր: Դո՞ւք էլ եք այդպես մտածում:

-Բնավ: Խորհրդային տարիների դպրոցական դաս-դասարանային համակարգը հարմարեցված էր այդ տարիների գաղափարախոսությանը. հիմնականում ուսուցիչներն աշակերտների ստեղծագործ միտքը զարգացնելու փոխարեն հաղորդում էին զուտ իրենց գաղափարները. այլակարծությունը խիստ արգելված էր: Իհարկե, ամուրանալի են այդ տարիների վաստակաշատ ուսուցիչների ներդրումները, դպրոցական կարգապահությունը, ծնողների հետևողականությունն ու դպրոցի և ուսուցչի նկատմամբ վերաբերմունքը, որը, ցավոք, այսօր շատ է պակասել: Այսօրվա դպրոցին մեծ առավելություններ են տրվել ինքնուրույն կազմակերպելու կրթության գործընթացը՝ ներգրավելով համայնքի ներուժը: Այս գործընթացում կարևորվում է նաև սովորողների մասնակցությունը, որը և շատ է փոխել նորօրյա շրջանավարտի կերպարը. ավելի համարձակ են, ինքնուրույն, յուրօրինակ մտածելակերպով, լայնախոհ. հնարավորություններ ունեն սեփական տեսակետներն առաջ տանելու:

-Ի՞նչն է ղեկավարին ավելի հմուտ և ուժեղ դարձնում՝ ղեկավարման փորձը, մարդկային տեսակը, որակական հատկանիշները, թե՞ այլ գործոններ...

-Թվարկվածները կարևոր են առաջանցիկ ղեկավար լինելու համար, բայց կարծում եմ՝ արդյունավետ ղեկավարելու համար անհրաժեշտ է օժտված լինել ավելի լավ բան անելու, լավ տեսնելու և բարձրաձայնելու կարողությամբ: Պաշտոնը չէ, որ լավն է դարձնում ղեկավարարին, այլ՝ հա-

-Ի՞նչ կմղոքեք ապագա մանկավարժներին:

-Սիրել աշխատանքը և սովորողներին: Կարևոր է ընկալել դասավանդման փիլիսոփայությունը, և դրա ըմբռնումից հետո միայն նրանք կկարողանան ազատորեն զբաղվել մասնագիտական ստեղծագործ և կառուցողական աշխատանքով:

Չորրորդ՝ Սիլվա ԱՍՐՅԱՆ

ՈՒՄՈՒՅԻՆ ԴԵՐ ԲՈՒՐ ԸՐՁԱՆԱԿԱՐՏՆ Է

Ուսուցչի մասնագիտությունն ինչ համար կենսակերպ է



Ես Մելինե Հրաչիկի Միքայելյանն եմ, ծնվել եմ 1970 թվականին Երևանում: Սովորել և ավարտել եմ Կանոյի անվան N 76 դպրոցը:

1988-ին ընդունվել և 1992-ին ավարտել եմ Խաչատուր

Աբովյանի անվան հայկական պետական մանկավարժական համալսարանի Մանկավարժության և տարրական ուսուցման մեթոդիկայի ֆակուլտետը:

2006–2010 թթ. կրթությունն շարունակել եմ նույն համալսարանի Ռուսաց լեզվի և գրականության ֆակուլտետում:

1994–2015 թթ. աշխատել եմ N 29 դպրոցում՝ որպես ռուսաց լեզվի և գրականության ուսուցիչ:

2015–ից առ այսօր աշխատում եմ համալսարանական N 57 հիմնական դպրոցում՝ որպես ռուսաց լեզվի ուսուցիչ:

31 տարի է՝ աշխատում եմ դպրոցում և այդ տարիների ընթացքում իրապարակել եմ գիտական տարբեր հոդվածներ:

Վաղ հասակից սիրել եմ ուսուցչի աշխատանքը և իմ միակ երազանքը եղել է դառնալ ուսուցիչ: Լինել ուսուցիչ ոչ միշտ է հեշտ, այն մեծ պատասխանատվություն է, ամենօրյա աշխատանք: Պետք է լինել համբերատար, հետաքրքիր աշակերտների համար և պատրաստ լինել օգնելու երեխաներին՝ հաղթահարելու ուսումնառության ընթացքում հանդիպող դժվարությունները:

Աշխատել եմ և՛ ավագ, և՛ հիմնական դպրոցներում: Ինձ առավել հետաքրքիր է աշխատել հիմնական դպրոցի՝ հատկապես տարրական դասարանների աշակերտների հետ, քանի որ այդ տարիները նրանց դպրոցական կյանքի կարևոր

շրջանն են: Ուսուցիչը նրանց համար բացում է հետաքրքիր և կախարդական աշխարհի դռները, և այդտեղ շատ կարևոր է ուսուցչի մոտեցումը. չէ՞ որ յուրաքանչյուր երեխա զգում է անկեղծությունը, սերն իր նկատմամբ:

Ուսուցչի մասնագիտությունն ինձ համար կենսակերպ է: Իմ ամեն օրն սկսվում է սովորողների մեջ առարկայի հանդեպ սեր սերմանելուց և ավարտվում նրանց մեջ մարդկային որակներ հայտնաբերելով: Երկուսը փոխլրացնում են միմյանց, օգնում ճիշտ հասկանալ աշակերտներին, գնահատել ամեն պահը, վստահել ու վստահություն ծեռք բերել, անաչառ, ազնիվ և ուշադիր վերաբերմունք դրսևորել նրանցից յուրաքանչյուրի հանդեպ: Սա է մերօրյա ուսուցչի առաքելությունը, որ ամենօրյա պատասխանատվությունն է ու տքնաջան աշխատանք: Պետք է վախճնալ դժվարություններից, երբ սիրում ես երեխաներին ու աշխատանքը:

Ուսուցչի մասնագիտությունն ինձ համար կենսակերպ է. ես հաճույքով եմ ամեն օր դպրոցի շենից ներս մտնում և իմ ամեն օրը նվիրում ուսուցչի վեհ գործին:

Մելինե ՄԻՔԱՅԵԼՅԱՆ

N 57 հիմնական դպրոցի ռուսաց լեզվի և գրականության ուսուցիչ

Մանկավարժական համալսարանում ամփոփվեց ԿԳՄՍ նախարարության և Բրիտանական խորհրդի համագործակցությամբ իրականացվող «Ուսուցիչների առցանց համայնք» (Online Teacher Community) քառամյա ծրագիրը: Այն ուղղված էր անգլերեն դասավանդող ուսուցիչների շարունակական մասնագիտական զարգացմանը: Ծրագրին անցկացվել է առցանց ձևաչափով. մասնակցել է անգլերենի ավելի քան 1500 ուսուցիչ և 200-ից ավելի ուսանող:

Ամփոփիչ միջոցառմանը ներկա էին ԿԳՄՍ նախարարի տեղակալ Արաքսիա Սվաջյանը, ՀԴՄՀ Աշխատակազմի և մի-



ջազգային համագործակցության գծով պրոռեկտոր Մարիաննա Հարությունյանը, Բրիտանական խորհրդի հայկական գրասենյակի տնօրեն Ադրե Հովասափյանը, ուղրտի ներկայացուցիչներ, մասնագետներ, ուսանողներ:

«Ուսուցիչ մասնագիտական զարգացումն այսօրվա հանրակրթական դպրոցի համար որոշիչ ազդեցություն ունի: Մի կողմից հանրակրթության մոր չափորոշիչի ներդրումը՝ բովանդակային և մեթոդական փոփոխությամբ, մյուս կողմից՝ գիտության և տեխնոլոգիաների արագ տեմպով զարգացումն ուղիղ անդրադարձ են ունենում դպրոցի վրա՝ ուսուցչի առաջ խնդիր դնելով համապատասխանել ժա-

մանակակից կրթական համակարգի պահանջներին: Այս ուղղությամբ բազմաթիվ ծրագրեր են իրականացվում թե՛ պետության կողմից, թե՛ գործընկերների հետ համագործակցությամբ», - մշեց նախարարի տեղակալ Արաքսիա Սվաջյանը:

Նա ծրագիրը բացառիկ հաջողվածներից համարեց նաև մասնակցայնության տեսանկյունից՝ միջազգային չափանիշների համատեքստում ինչպես արդեն գործող մասնագետների, այնպես էլ որպես մասնագետ մոր կայացողների մասնագիտական ներուժի խթանման առումով:

Ծրագրին անմխադեպ էր նախաառաջ տնողության առումով. Մանկավարժական համալսարանի Օտար լեզուների

ֆակուլտետի բակալավրիատի և մագիստրատուրայի ուսանողներն ակտիվորեն մասնակցել են ծրագրերի մշակմանը. դրանք արդյունավետորեն կիրառվել են վերապատրաստումների, փորձի փոխանակման, ինչպես նաև կրթական ծրագրերի նորացման և լավարկման գործընթացում:

ՀԴՄՀ Աշխատակազմի և միջազգային համագործակցության գծով պրոռեկտոր Մարիաննա Հարությունյանը կարևորեց և մեծ պատիվ համարեց Մանկավարժականի և Բրիտանական խորհրդի ակտիվ համագործակցությունն ու բուհի՝ ծրագրի մաս կազմելը:

Նա ընդգծեց՝ ծրագրին ուսանողների համար մեկ այլ հարթակում ինքնադրսևորվելու, կրթական ճանապարհին մոր փորձառություն ձեռք բերելու և կամավորական աշխատանքով զբաղվելու կարևոր հնարավորություն էր:

Բրիտանական խորհրդի հայկական գրասենյակի տնօրեն Ադրե Հովասափյանը Մանկավարժականի հետ սերտ համագործակցության համար ՀԴՄՀ պրոռեկտոր Մարիաննա Հարությունյանին հանձնեց հուշանվեր, իսկ ծրագրի մասնակիցներին տրվեցին հավաստագրեր:

Մարին ԱՂԵԿՅԱՆ



«Ոսկե դափնի» մրցանակ Աշուր ԱՌԱՔԵԼՅԱՆԻՆ

«Ոսկե դափնի» մրցանակը Ձեզ համար անակնկալ էր, ի՞նչ զգացողություններ առաջացրեց:

Յուրաքանչյուր մարդ իրեն հարգված է զգում, երբ գնահատում են իր աշխատանքը: Ես ուրախ եմ, որ դրսում գտնվելով, հայրենիքում գնահատում են իմ արվեստը: Ես կարողանում եմ իմ համեստ գործունեությունը շարունակել որպես նկարիչ, նաև պատմաբան: Չեխիայի արվեստի վաստակավոր գործիչ եմ, միաժամանակ Մանկավարժական համալսարանի Հայոց պատմության ամբիոնի պատվավոր անդամ: Երկար տարիներ ապրում եմ Չեխիայում, նկարելուց զատ, Չեխիայի խորհրդարանի և ամենամեծ տպագրական տպագրվող «Դեմնիկ» թերթի արտահատիքային քաղաքական մեկնաբան եմ: Պետք է նշեմ, որ տարին երկու անգամ՝ ապրիլի 24-ի և այլ կարևոր իրադարձությունների առթիվ, թերթում հանդես եմ գալիս հրապարակումներով:

Ձեզ տրվել է մրցանակ շատ տպավորիչ անվանակարգում՝ «Արվեստի, գիտության և լրագրության ժամանակակից հայ մտավորականության հավաքական կերպար»...

Ներքուստ շոյված եմ, հոգուս մեջ ուրախություն է, որովհետև յուրաքանչյուրին մրցանակ է տրվում իր ուղրտին նպաստ բերելու համար, իսկ իմ ստացած մրցանակը հավաքական ձևակերպման անվանակարգում է. ես անչափ ուրախ եմ մման անվանակարգով մրցանակ ստանալու համար:

Ի՞նչ եք կարծում, ավելի լավ է մրցանակներ ստանալ հայրենիքում, թե՞ հայրենիքից դուրս:

Երկուսն էլ հաճելի է, երկուսն էլ գնահատված լինելու հաճելի զգացողություններ են պարգևում: Հայրենիքից դուրս մրցանակ ստանալն էլ է հաճելի: Ինքս Չեխիայի նկարիչների միության անդամ եմ: Մորավիայի շրջանում այդ միության անդամ մոտ 150 նկարիչ կա, որտեղ միակ օտարազգին ես եմ:

Իսկ տեղի հայերի հետ կապեր ունե՞ք:

Մորավիայի կենտրոնը Բռնոն է, Բռնոյում հայեր կան, բայց շատ չեն, հայերի մեծ մասը բնակվում է Պրահայում: Տարվա մեջ 2-3 անգամ դեսպանատնից հրավեր են ստանում և մասնակցում են միջոցառումների: Կապի մեջ եմ «Օրեր» ամսագրի խմբագիր Հակոբ Ասատրյանի, Հայր Բարսեղի հետ: 300 կմ հեռավորության վրա եմ, և ժամանակս չի ներում ավելի շուտ-շուտ հանդիպել:

Ի՞նչ հաճախականությամբ եք ցուցահանդեսներ կազմակերպում:

Տարին մեկ անգամ: Ցուցահանդեսներ շատ չեն կազմակերպում: Ստեղծագործություններս հիմնականում վաճառում եմ ցուցասրահներում:

Չեխ շրջանակների հետ Ձեր շփումներն ավելի՞ շատ են: Ի՞նչ դիրքորոշում ունեն չեխերը հայ ժողովրդի հանդեպ:

Չեխերը օտարազգիների հետ չեն սիրում շփվել: Անկեղծ լինեմ՝ հայ ժողովուրդը միշտ էլ ուշադրությունից դուրս է մնացել: Աշխարհի բոլոր հարցերը լուծվում են տնտեսական, քաղաքական, ռազմական շահերից ելնելով: Հայաստանը ոչ մի արժեք չի ներկայացնում այդ խոշոր երկրների համար: Աղրեջանը և Թուրքիան ավելի մեծ դեր ունեն, քան Հայաստանը: Հայաստանին պահում եմ միայն



որպես գործիչ՝ հակառուսական տրամադրությունների համար: Եվ դա շատ վատ է:

Իսկ երբ Ձեզ որևէ ամբիոն է տրամադրվում, ինչպե՞ս եք այն ծառայեցնում հայանպաստ գործունեությանը:

Չեխիայում ելույթներ են ունենում որպես պատմաբան: Ավելի շատ քաղաքական թեմաներով են ելույթներ ունենում, քան թե զբաղվում են նկարչությամբ:

Մի անգամ Չեխիայի Բռնո քաղաքի քաղաքապետարանում մեծ բանավեճի մասնակցեցի՝ նվիրված ռուս-ուկրաինական հակամարտությանը: Ես ասացի նրանց, որ «ուկրաինա» բառը «կրայ»՝ ծայրամասն է նշանակում Ռուսաստանի. ուկրաինացիները, բելառուսները և ռուսները մույն ազգն են, այնպես, ինչպես մեզ մոտ արցախցիները և հայաստանցիները մույն հայ ազգն են: Ես բարձրաձայնեցի, որ Սովետական Միության փլուզումից հետո Եվրոպան ստորագրել է, որ չի խառնվի Ռուսաստանի ներքին գործերին, բայց խաբեց: Ռուսաստանը նպատակ չունի այլ երկրներից զավթել, բացի միավորվել մույն ազգի հետ: Աշխարհի «ամենաբանդիտ» զաղութարարները եղել են եվրոպացիները՝ հազարամյակներ շարունակ Ավստրիայի, Նոր Զելանդիայի 80-85 տոկոսն ոչնչացրել են՝ հարսակային, հյուսիսային հնդկների 90-95 տոկոսին, նաև Աֆրիկան: Այդպիսի բանդիտիզմ աշխարհը չի ունեցել: Ես կարծում եմ՝ Աստված ռուսներին ստեղծել է, որ բանդիտիզմի դեմն առնի:

Մեր օրերում հայրենասիրություն բառը մի տեսակ արժեզրկվել է: Ձեր կարծիքով ո՞վ է մեր օրերի հայրը:

Ամեն ինչ կախված է ընտանիքի հորից: Եթե ընտանիքում ինչ-որ բան այն չէ, տուժում են զավակները: Այսօր մեր ժողովուրդը կոտրված է և ընկճված...

Ձեր նկարչական ոճի մեջ փոփոխություն՞ն եք մտքել:

Ես մեր համալսարանում էլ եմ նկարչության դասընթացների մասնակցել, Մոսկվայում էլ: Երբ նկարիչը այն, ինչ տեսնում և նկարում է՝ իր ձեռքն է աշխատում: Դարձյալ հարգում եմ: Չեմ հիշում՝ ով էր մեր դասախոսներից ասում՝ առավելությունը տալիս է նրան, ով իր միջից է տեսնում, վերցնում ու նկարում... Այդ ժամանակ գլուխն է աշխատում... Իմ նկարածները բոլորն իմ մտախոցումներն են: Կարելի է ասել՝ երբ նկարին ամբողջատ մույն թեմայով է ստեղծագործում, դառնում է անհետաքրքիր: Ես աշխատել եմ տարբեր թեմաներով, սակայն հիմնականում

ծաղիկներ են նկարում, նաև քաղաքային տեսարաններ, դիմանկարներ, Պրահայի տեսարաններ:

Որքան տեղյակ եմ, նկարելու մոր, անհավանական տեխնիկա եք օգտագործում...

Ինձ Մոսկվայում սովորեցրել են մաստիսիմով (երկաթյա լապատկաներով) նկարել, բայց ես օգտագործում եմ ներկարարի (մալարի) գործիքներ մինչև 40 սանտիմետրանոց: Այն ժամանակ Ղարաբաղում և նաև հիմա Պրահայում նկարիչներն ինձ զարմացած ասում են՝ բեր այդ գործիքները մեզ ցույց տուր:

Այսքան տարի ապրելով Չեխիայում, ինչ-որ ընդհանուր բան տեսնո՞ւմ ես հայերի և չեխերի միջև:

Չեխերը խուսափում են հայերի հետ քաղաքական, տնտեսական, առևտրային շփումներից: Նրանք հոգնել են իրենց երկրում տարբեր ազգերի խաղախախտություններից և կարծես մեկուսացած են: Երկրում գոյությունների գրեթե 57 տոկոսը այլազգիների կողմից է կատարվում: Երբեմն նրանք անգամ արհամարհական կեցվածք են ընդունում: Բայց ես նրանց չեմ մեղադրում:

Ես Պրահայից 300 կմ հեռու եմ ապրում, և երբ իմ ցուցահանդեսներին եմ հրավիրում՝ մեծ սիրով են գալիս քաղաքապետարանից: Տարիների ընթացքում իմ ստեղծած կապերը, մեղմ ու հանգիստ բնավորությունս, նվիրվածությունս, կնոջս չեխ լինելու գործոնը, այս ամենը չեխերի մեջ տարիների ընթացքում վերաբերմունք են ձևավորել:

Կարծում եմ Ձեզանով նրանք նաև հայ ժողովրդին են ճանաչում. դա շատ կարևոր է, որպեսզի նրանց մեջ ձևավորվի վերաբերմունք հայերի նկատմամբ: Դրսում ապրող յուրաքանչյուր հայ մարդ, և հատկապես մտավորականները, իրենց ներկայությամբ ու գործելաոճով պետք է ճիշտ կարծիք ձևավորեն մեր ազգի նկատմամբ, այնպե՞ս չէ:

Չեխիայի ամենամեծ թերթում, որը կոչվում է «Դեմնիկ», և եթե չեմ սխալվում՝ ունի 250-300 աշխատող, և տարածվում է ըստ շրջանների, պարբերաբար հրատարակվում են իմ հոդվածները Հայոց ցեղասպանության, Հայաստանի մասին: Դա ևս տպավորություն և կարծիք է ձևավորում մեր ժողովրդի, մեր տեսակի ու ավանդույթների մասին:

Ես զգում եմ այն անկեղծ ջերմությունը, որ իմ անձի հանդեպ տածում են քաղաքապետարանի և այլ պետական կառույցների ներկայացուցիչները, պետական տարբեր պաշտոնյաներ ու սովորական չեխ մարդիկ: Ինձ հրավիրում են տարբեր միջոցառումների: Դա ինձ դուր է գալիս, շոյում:

Ուրախ եմ Ձեզ համար, պարոն Առաքելյան: Մանավանդ, որ Մանկավարժական համալսարանի գործընկերներին երբեք չեք մոռանում: Հայրենիքում գտնվելու ընթացքում համալսարանն այն առաջին վայրն է, ուր այցելում եք:

Դուք արժանի եք շատ մրցանակների: Բարի, անկաշառ նվիրումով ու համեստությամբ աչքի ընկնող մտավորականի Ձեր տեսակի համար մրցանակները թող շարունակական լինեն, մշտապես սիրված ու գնահատված լինեք ոչ միայն հայրենիքում, այլև այն երկրում, որը Ձեզ համար վաղուց դարձել է երկրորդ հայրենիք:

Հարցազրույցը՝ Սիլվա ԱՍՐՅԱՆԻ



«100 ՏԱՐԻ ԱՆՅ ՖՐԻՏՅՈՖ ՆԱՆՍԵՆԻ ՈՏՆԱՀԵՏ-ՔԵՐՈՎ»



Մարդասիրությունը մարդկության ճակատագրի բարելավման մտահոգությունն է

յանը, «փոքրաթիվ ժողովուրդներն ավելի կարիք ունեն մեծ բարեկամների: Հենց այդպիսին է Ֆրիտյոֆ Նանսենը հայ ժողովրդի համար: Նա միշտ հատուկ գործվածքով է հիշում առաջավոր մարդկության առաքյալին, որն աներևակայելի ջանքեր գործադրեց օգնելու աշխարհի առավել տառապած ժողովուրդներից մեկին: Քանի կան ու կլինեն հայեր, այնքան ժամանակ մրանք խոր ակնածանքով ու անհուն սիրով կհիշեն Նանսենի անունը»:

Նման հայ անհատներից էր գրող, գրականագետ Ֆելիքս

Բախչինյանը, ում մեծագույն ջանքերով Նանսենն այսուհետ հայ ժողովրդի համար դարձել է սիրելի անուն, մարդասիրության չափանիշ:

Սեպտեմբերի 22-ին, Ավ. Իսահակյանի անվան կենտրոնական գրադարանում, տեղի ունեցավ հուշ-ցերեկույթ՝ նվիրված գրող, գրականագետ, թարգմանիչ, մանսենյան մարդասիրության մեծ քարոզիչ Ֆելիքս Բախչինյանի ծննդյան 75-ամյակին: Ափսոս, որ նա չհասցրեց իրականացնել «100 ՏԱՐԻ ԱՆՅ ՖՐԻՏՅՈՖ ՆԱՆՍԵՆԻ ՈՏՆԱՀԵՏՔԵՐՈՎ» միջոցառումների այն մեծ ծրագիրը, որով նախատեսվել էր՝ միջազգային գիտաժողով, համդիպումներ, ցուցադրություններ:

Եվ ահա, Ֆելիքս Բախչինյանի 75-ամյակն են մշում՝ որպես հիշատակի տուրք նրա թողած մեծ ժառանգության շուրջ 100 գիրք, ինչպես նաև որպես մեծ մարդասեր Ֆրիտյոֆ Նանսենի գործի մեծ ջատագով:

Միջոցառումն իրենց սրտացավ ու բարեկամական ուղերձներով իմաստավորեցին Ավ. Իսահակյանի անվան գրադարանի տնօրենի պաշտոնակատար Ռուզաննա Բարսեղյանը, գրող, բանաստեղծ, պետական և հասարակական գործիչ, ՀՀ զինված ուժերի և ոստիկանության գնդապետ Անդրանիկ Հակոբյանը, իրավաբան, արդարադատության երրորդ դասի պետական խորհրդական Գագիկ Ավետիսյանը, բանաստեղծ, բ.գ.թ. Թադևոս Տոնոյանը, բա-

նաստեղծուհի Նաիրա Սիմոնյանը, թարգմանչուհի Կարմեն Ահարոնյանը, Ֆ. Բախչինյանի գրքերի, ստեղծագործությունների թարգմանիչ Աշոտ Լևոնյանը, «Ֆրիտյոֆ Նանսեն» թանգարանի տնօրեն Ժորա Հակոբյանը, «Ֆրիտյոֆ Նանսեն» ինստիտուտի գործադիր տնօրեն Հայարփի Խաչատրյանը: Հանդիսությունը վարում էր և մի առանձին հմայք էր հաղորդում նրան դե-

րով լուսանկարչական ցուցահանդեսը ՀՀ նկարիչների միության դահլիճում:

Ֆելիքս Բախչինյանի ծննդյան օրը Արմեն Դարբինյանը գրառում էր արել սոցիալական հարթակում. «Այսօր ծննդյան օրն է երևութային, եզակի մի մարդու, որը բոլորիս անունից երախտագիտություն էր սփռում առ հռչակավոր նորվեգացի ՆԱՆՍԵՆ, առ հուժանիզմ: Էլիտար Հայ էր



րասանուհի Գայանե Սամվելյանը:

Ֆրիտյոֆ Նանսենի և իր հանձնախմբի Հայաստան այցելության 100-ամյակին նվիրված հոբելյանական միջոցառումների շարքում յուրահատուկ էր «100 տարի անց Ֆրիտյոֆ Նանսենի ոտնահետքերով» խորագ-

րա խաչակրանքը՝ մշտապես պատրաստ ազգային բեռի իր հասանելիքը կրելու:

Իր հեղինակած մեդալով նա փորձում էր բարձրացնել մեզ մեր իսկ նշանոցից ավելի բարձր, առավել լավ դարձնել մեզ»:

Սիլվա ԱՍՐՅԱՆ

«ՍՈՎՈՐԱԿԱՆ ՀԱՅՐԵՆԻՔ». ՆՈՐՕՐՅԱ ՊԱՏԵՐԱԶՄԻ ՎԱՎԵՐԱԳՐՈՒԹՅՈՒՆ

«Սովորական հայրենիք» գիրքը 44-օրյա պատերազմի մասնակից Նարեկ Վարդանյանի ստեղծագործությունն է: Հեղինակը Մանկավարժական համալսարանի Պատմության և հասարակագիտության ֆակուլտետի մագիստրատուրայի 2-րդ կուրսի ուսանող է:

Սեպտեմբերի 23-ին Մանկավարժականում կայացավ գրքի շնորհանդեսը:

Նարեկ Վարդանյանը գիրքը գրել է պատերազմի ընթացքում, շարունակել պատերազմից ու իր վիրավորումից հետո: Նա գանգուղեղային ծանր վնասվածք է ստացել, եղել կոմայի մեջ:

«Սովորական հայրենիք»-ը Նարեկի հետ պատահածի, ընկերների ու պատերազմի մասնակից այլ անձանց մասին հուշեր են:

Հեղինակն իր տեսածն ու զգացածը երբեմն հորինված կերպարների միջոցով է ներկայացրել՝ ամբողջացնելով պատերազմի մասնակցի կերպարը: Գրքում կան նաև իրական հերոսներ՝ իրական անուններով:

ՀՊՄՀ Պատմության և հասարակագիտության ֆակուլտետի դեկան Էդգար Հովհաննիսյանը հասցրել է ծանոթանալ գրքի բովանդակությանը. ասում է՝ Նարեկի ապրածը, հիշողություններն ու հույզերը ռազմի դաշտից, հայրենիքի նկատմամբ մտահոգությունները, քննադատությունները, սովորական մարդկանց, ճակատագրերի ու վախերի, հերոսությունների մասին, ընթերցվում են մի շնչով:

Նկատում է՝ հուշագրական ժանրի այս գիրքը հնարավորություն է տալիս պատերազմը ոչ միայն լսել, տեսնել, հասկանալ, այլ այն զգալ միջից՝ ինչպես որ կա: Կարծում է, որ արժեքավոր այս գիրքը հետագայում կարող է ծառայել որպես նորօրյա պատերազմի վավերագրություն, ինքնատիպ վերլուծություն, որը հնարավորություն կտա մտորել, արժևորել, խնդիրները հետախայաց հասկանալ և սովորել՝ ինչպես կարե-



լի է սովորական հայրենիքը մի փոքր անսովոր սիրել. «Այս գիրքը պատգամ է, քարոզ, փորձ՝ ապրածով եղած շտկելու և մեր վերաբերմունքը հայրենիքի և միմյանց նկատմամբ փոխելու», -նշեց Էդգար Հովհաննիսյանն ու շնորհակալություն հայտնեց հեղինակին՝ անցած ճանապարհի և հետագա պլանների համար. ապագա պատմաբանը որոշել է մասնագիտանալ պատմության մեթոդիկայում՝ նաև հասկանալու դասավանդման հիմնախնդիրները:

Նա կարծում է, որ հասարակությունը պետք է գնահատի իր կողքին ապրող հերոսներին. հասարակ մարդկանց՝ հերոսական անցյալով, որոնք անցել են տարբերվող ուղի: Ապագա պատմաբաններն, անկախ արժեքների փոփոխությունից, նաև այս գաղափարախոսությամբ պետք է սնեն գալիք սերունդներին. դա է թելադրում մասնագիտությունը:

Նարեկ Վարդանյանը խոստովանում է՝ «Սովորական հայրենիք» գրքի կենտրոնում զոհված տղաներն

են, ոչ թե ինքը: Հեղինակն այն գրել է մարտական երեք ընկերների՝ Ռոբերտի, Նվերի և Դավթի մահատակվելուց հետո: Ասում է՝ եթե չգրեք, գուցե մոռացության մատնվեին նրանց մասին հուշերը:

2020 թվականը համարում է ոչ թե պարտության, այլ պայքարի պատմություն. զոհված մարտիկներն իրենց կյանքով և ապրածով այդ ապացուցեցին. «Զինվորը մարտի դաշտում պայքարում է միմեջ վերջ և զոհվում. դրանից հետո՝ ինչ կորոշվի, ինչ կստորագրվի, այդքան էլ կարևոր չէ», -նշեց Նարեկ Վարդանյանն ու կարևորեց պայքարի շարունակականությունը, ինչի փորձ է նաև իր հեղինակած գիրքը. «Մեզից յուրաքանչյուրն իր տեղում պետք է հայրենամեկը գործ անի, պահպանի իր ինքնությունը: Այս գիրքը բոլորիս մասին է. նրանց, ովքեր մասնակցել են, վիրավորվել, զոհվել: Սա մեր պատմությունն է ու ներկան, մեր ապագա սերնդի դաստիարակության համար մի փոքրիկ կաթիլ, որը գուցե նպաստի առավել հայրենասեր և քաղաքացիակենտրոն դառնալուն»:

«Նարեկը Հայաստանն է, որ ուզում է վերակազմվել և չի կոտրվում. նա ծանր վիրավորումից և երկարատև բացակայությունից հետո, այս տարի է վերականգնել ուսումը Մանկավարժականում», -ասում է Համաշխարհային պատմության և նրա դասավանդման մեթոդիկայի ամբիոնի վարիչ Խաչատուր Ստեփանյանն ու հպարտությամբ հավելում՝ նա ապրում է պատմության դասերով և գուցե այդ կերպ է շարունակում իր պայքարը՝ մարտի այլ դաշտում, որ ոտքի կանգնեցնի մեր երկիրը:

Պատմաբանի կարծիքով՝ Նարեկի պայքարը, անկոտրում ոգին, հասարակության մեջ իր տեղն ունենալու մղումը պետք է ոգևորի բոլորին, որ ապրենք՝ հանուն անցած ճանապարհի:

Մարին ԱՂԵԿՅԱՆ



ՀԵՆՐԻԽ ՄԱԼՅԱՆ

Մեպտեմբերի 30-ին Հենրիկ Մալյանը
կդառնար 100 տարեկան

ԼՁԱՅԻՆ ԿԻՆՈՅԻ ԼՎՈՒՆԲՆԵՐԻՑ

Ամեն անգամ, երբ խոսք էր բացվում նրա ստեղծագործական կենսագրության մասին, Մալյանը իրեն հատուկ թեթև ակնարկով հասկացնում էր, որ լավ կլինի, եթե այն սկսվի «Եռանկյունի» ֆիլմից: Այդ ակնարկով նա ոչ թե թերագնահատում էր իր նախորդ՝ «Ճանապարհի դեպի կրկես» (1963) (համահեղինակ Լևոն Իսահակյան), «Մայր ժակը և ուրիշները» (1964 թ.), ալմանախի կարճամետրաժը կամ, ասենք, «Նվագախմբի տղաները» (1960 թ.) (համահեղինակ Հենրիկ Մարգարյան) ֆիլմերը: Բոլորովին էլ ոչ: Պարզապես «Եռանկյունին» ինքնուրույն ստեղծագործական այն սկիզբն էր, որտեղ համագործակցությունից զատ Մալյանը կինոթեմադրիչը լիարժեք ներդրել էր իր ասելիքը: «Եռանկյունին» շրջադարձային էր և Մալյան ռեժի-

ստի դառնում իրենց ու մերը:

Մալյանը իր իսկ ֆիլմերի հերոսներն է. «Եռանկյունի»՝ Սկրտիչները, «Մենք ենք, մեր սարերի»՝ Հովիվները, «Հայրիկի»՝ Պապը, «Նահապետի»՝ Նահապետը, գուցե և իր չնկարահանած «Կոմիտասի»՝ Կոմիտասը: Դերակատարներն են տարբեր, հերոսների խառնվածքն ու տեսակը, ապրումներն ու հույզերը Մալյանին են:

Կյանքից դեպի Մալյան, նրա սրտի բաբախումով էկրան և նորից կյանք: Ահա այն «կարճ» և շիտակ ճանապարհը, որ անցնում են նրա հերոսները: Եթե իրար մոտ հավաքենք Մալյանի նկարահանած ֆիլմերի բոլոր հերոսներին, ապա կստացվի հայկական մի փոքրիկ գերդաստան, ուր մթնոլորտը շաղախված է ան-

Մալյանի այս խոսքերը կարելի է նաև չտրոհել... Ամեն ինչ ասված է հստակ ու պարզ... Սակայն Մալյանը կինոթեմադրիչի ուժն ու հմայքը ինքն իրեն հավատարիմ մնալու, նյութին, ասելիքին, սկզբունքներին չզավաճանելու մեջ է:

Հավանաբար այդ հավատամքից էր գալիս նաև այն, որ նա հրաժարվեց «Կոմիտաս» երկսերիանոց ֆիլմի նկարահանումներից: Բանն այն է, որ Կոմիտասի երկու դերակատարներին (մանուկ հասակի և տարիքով) նա արդեն ընտրել էր, իսկ երիտասարդ Կոմիտասը, որը ֆիլմի սյուժետային հիմնական գիծն ու ատաղձն էր կազմելու, չկար ու չկար: Մալյանին ոչ թե կերպարի արտաքին փայլն էր հետաքրքրում, այլ կոմիտասյան մերթինով շաղախված դերակատարի մե-



սորի, և՛ ամբողջ հայկական կինոյի համար:

Այնուհետև նա Հրանտ Մաթևոսյանի սցենարով նկարահանեց «Մենք ենք, մեր սարերը», որն այսօր՝ ավելի քան 50 տարի անց, համարվում է հայկինոյի դասական ֆիլմերից մեկը:

Իր կինոերկերով՝ «Եռանկյունի» (1967 թ.), «Մենք ենք մեր սարերը» (1969 թ.), «Հայրիկ» (1972 թ.), «Նահապետ» (1977 թ.), «Կտոր մը երկինք» (1981 թ.), Հենրիկ Մալյանը խոսեց գեղեցիկի լեզվով, ազգի, երկրի հզորության, միասնության և հարատևության լեզվով: Եվ այդ խոսելաձևը, նույնիսկ առանց հայերենի իմացության, հասկանալի դարձավ բազում ազգերի:

Այսօր արդեն առանց վարանելու կարելի է փաստել, որ հայ կինոյի հիմնադիր Համո Բեկնազարյանից հետո Հենրիկ Մալյանը մեր ազգային մեծագույն կինոթեմադրիչն է, որն իր ֆիլմերով ազգային արժեքները համեմեց համամարդկայինով: Շարունակելով բեկնազարյանական կինոյի ազգային ավանդույթները, նա պեղեց «երկրաբանական» իր շերտը, որն անշուշտ ազգային և համամարդկային կուռ միասնություն է:

Մալյանի հերոսները գալիս են մեր ժողովրդի ալունքներից, անցնում Մալյան կինոթեմադրիչի միջով

կոտորում կամքով, ապրելու, հարատևելու ուժով:

Իսկ ո՞րն է ազգային կինոն Մալյանի պատկերացմամբ:

- Ես համոզված եմ, որ կինոյում ազգային հարցն այդքան չէր շոշափվի, եթե մեր ֆիլմերը լինեին արվեստագետի հոգու խորքից բխած տրամադրությունների արտահայտություն: Համոզված եմ նաև, որ այն անհատը, որն անցել է նախապատրաստական շրջան, որն իսկապես գիտե, զգում է իր կողքի մարդուն, շնչել է Մատենադարանի խորհրդավոր և Հրազդան մարզադաշտի բոլորովին էլ ոչ խորհրդավոր օդը, զայրությամբ լռել է Եղեռնի հուշարձանի առջև և հպարտացել Հանրապետության հրապարակով, որ զգացել է մեր եկեղեցիների վեհությունը և զմայլվել հայ աղջիկների հեզամկուն պարով, որը հաղորդվել է Նարեկացուն, ուն սիրտը բաբախել է Չարենցի սրտի և մեր այսօրվա միլիոնավոր սրտերի ռիթմով, չի կարող ազգային ֆիլմ չստեղծել: Ինձ թվում է, բոլոր դեպքերում ֆիլմն ազգային է դառնում լուրջ այն ժամանակ, երբ արվեստագետի շունչը, կիրքը սերտորեն կապվում է ազգի շնչին ու կյանքին: Ազգային ֆիլմերը մարդու շնչառության մեջն մի բան է, նրա լեզվին մամլվող բան:

րաշխարհը: Կինոնկարի առաջին կադրերը նույնիսկ նկարահանել էր, երբ նա իր մեջ ուժ գտավ (արհամարհելով նույնիսկ առողջականը), հրաժարվեց հետագա նկարահանումներից:

Այս առիթով, իրենից անբաժան թղթապանակը թևի տակ, մի օր ներս մտավ «Ֆիլմ» թերթի խմբագրություն և մի փոքրիկ թուղթ մեկնեց, որի վրա գրված էր.

- Ավելի լավ է ինձ ասեն՝ ինչո՞ւ չնկարահանեցիր «Կոմիտասը», քան թե հարցնեմ ինչո՞ւ չնկարահանեցիր «Կոմիտասը»:

Ես չգիտեմ, կգտնվի՞ մեկը, որին տրամադրեն անսահման հնարավորություններ, ֆինանսներ, խորհրդային շրջանում եվրոպաներում նկարահանումների հնարավորություններ, իսկ ինքն առաջնորդվի այն իդեալով, որ «Կոմիտաս» ֆիլմը կամ պիտի իր մեծության արժանի լինի, կամ էլ չպիտի նկարահանվի...

Հենրիկ Մալյանը ընտրեց երկրորդ տարբերակը, որի համար ես շատ, շատ եմ ափսոսում...

Ծնունդը շնորհավոր:

Ռոբերտ ՄԱՐՈՍՅԱՆ

«Ֆիլմ», «Գեղարվեստ» թերթերի և «Կինո» ամսագրի հիմնադիր խմբագիր



Բակալավրիադից մագիստրատուրա՝ իմ ուսանողական ճանապարհը



Երբ մտահոգված էի՝ մտածելով, թե ո՞ր համալսարան եմ ընդունվելու, ոչինչ չէր երևում միանշանակ: Բայց բարեհաջող բոլոր քննություններից հետո ես ընդունվեցի Հայկական պետական մանկավարժական համալսարանի Սկզբնական կրթության ֆակուլտետի «Նախադպրոցական մանկավարժություն և մեթոդիկա» բաժին՝ անվճար համակարգով: Այդ պահից սկսվեց իմ յուրահատուկ ճանապարհը համալսարանական կյանքում:

Առաջին քայլերից սկսած՝ միացա ուսանողական խորհրդին, որը տվեց ինձ նոր հնարավորություններ՝ մասնակցել հետաքրքիր սեմինարների, կազմակերպել հանդիպումներ արվեստի և կրթության ոլորտի մասնագետների հետ, ներգրավվել ուսանողական նախաձեռնությունների մեջ: Կրտսեր կուրսերում փորձառություն ձեռք բերելով՝ մասնակցեցի ինչպես մեր համալսարանի, այնպես էլ այլ կազմակերպությունների միջազգային գիտաժողովների, որոնք ինձ սովորեցրին աշխատել գիտական թեմաների շուրջ և զարգացնել սեփական հետազոտական հմտությունները:

Բակալավրիատում սովորելիս ես ուսում-

նաճանաչողական այցով մեկնեցի Մոսկվա: Այս տարիներին բախտ վիճակվեց մասնակցել կրթական հարթակներում խոսել մանկավարժի գործունեության կարևորության մասին: Մասնակցեցի «MISS STUDENT» մրցույթին, Աղավնաձորի ամառային դպրոցի ծրագրին, որին մասնակցում էին մասնաճյուղի ուսանողներ: Այդ նախագծերում ձեռք բերած ընկերական և մասնագիտական կապերը դարձան արժեքավոր՝ կարևորելով ուսանողական կյանքն իր բազմազանությամբ:

Հետագայում ստացա առաջարկ՝ լինել ուսանողական խորհրդի փոխնախագահ, որի աշխատանքից մինչ այսօր մեծ բավականություն եմ ստանում: Այս գործունեության կողքին ինձ հաջողվում է առցանց դասավանդել հայերեն՝ արտասահմանում բնակվող իմ փոքրիկ աշակերտներին, և համատեղել գիտական, սոցիալական ու կրթական գործունեությունը:

Բակալավրիատում կրթությունս անցավ ակնթարթի պես՝ լի հազեցած ու հիշարժան փորձերով, և անչափ ուրախացրեց այն պահը, երբ համալսարանի ռեկտորը շնորհեց ինձ կարմիր դիպլոմ, իսկ ընտանիքս այդ պահով վայելում էր դափնի:

Սովորելով մագիստրատուրայում, հիմա ես առավել քան պետք է պայքարեմ մոտիվացիոն անկումների դեմ, զարգացնեմ իմ մեջ կարգապահություն և սովորեմ սովորելու կանոնները՝ հատկապես այս տեխնոլոգիական դարաշրջանում. գիտեմ՝ կանգ առնել անընդունելի է: Այսպիսով՝ շարունակելու եմ գրել գիտական հոդվածներ, ներգրավվել ակտիվ հասարակական գործունեության մեջ և ստեղծագործել:

Մանկավարժական համալսարանը տալիս է անհավանական հնարավորություններ, ուստի ուսանողներին խորհուրդ կտայի բաց չթողնել ուսանողական կյանքին մասնակցելու և սեփական հետաքրքրությունները զարգացնելու յուրաքանչյուր առիթ:

Ակնկալում եմ, որ այս ճանապարհը դեռ շատ հետաքրքիր օրեր ու նոր փորձառություններ է բերելու, և ուրախությամբ կներկայացնեմ այդ մասին հաջորդ գրառումներում:

Կարինե ԱՎԱԼՅԱՆ

Մագիստրատուրա 1-ին կուրս

Մեկ սիրտ, երկու ամուսն

Ես Շողակաթն եմ, քույրս՝ Հռիփսիմեն: Մենք ծնվել ենք նույն օրը՝ մի քանի վայրկյանի տարբերությամբ՝ 2006 թվականի օգոստոսի 3-ին:

Մեզ երբեք չեն հարցրել, թե ուզում ենք լինել զույգ քույրեր. կյանքը մեզ իր նախընտրությամբ ու գրկաբաց սիրով տվեց իր ամենամեծ պարգևը:

Տարիները գլորվեցին, մենք մեծացանք՝ կողք կողքի, ձեռք ձեռքի տված: Ու այն ամենը, ինչ անում էինք, կարծես երկուսով մեկի փոխարեն էր: Մեր երազանքն էր մուտք գործել մանկավարժական աշխարհ, սեր տալ, սովորել և սովորեցնել:

Երբ հասավ ժամն այդ, միասին դիմեցինք Մանկավարժական համալսարան: Բայց ճակատագիրն ու քննությունները միշտ չէ, որ մեր սրտով են լինում: Ես ընդունվեցի, բայց Հռիփսիմեն չհաղթահարեց քննությունը: Ես կարող էի շարունակել, բայց չէի ուզում իմ քույրիկին մեծակ թողնել: Ինչո՞ւ առաջ շարժվել, երբ սիրտդ կիսատ է: Ես դուրս եկա համալսարանից: Որոշումս միանգամից էի կայացրել, հասարակության արձագանքը ծանր էր: Շատերն ասում էին. «Ինչո՞ւ ես թողնում քո ապագան», «Դու իրավունք չունես այդպես վարվելու, ինչո՞ւ ես քեզ զոհում հանուն քրոջ», «Ինչպե՞ս կարելի է այսքան անմիտ քայլ անել»...

Նրանց աչքերում ես դարձա մեկը, որը փչացրեց իր հնարավորությունները հանուն

ուրիշի: Բայց այդ «ուրիշը» իմ կեսն էր, իմ քույրը: Ես տուն դարձա. ամիսները գլորվեցին: Ես ոչ թե պարտվեցի, այլ հաղթեցի՝ մնալով քրոջս կողքին: Մեկ տարի ևս պարապեցինք:

Այս տարի մենք նորից դիմեցինք: Նոր հույսով և նոր ուժով: Ու վերագտանք մեր ճանապարհը դեպի Մանկավարժական համալսարանի բանասիրական ֆակուլտետ, այս անգամ՝ արդեն հաղթանակած: Միասին սկսեցինք նոր ուղի՝ ուսանողական կյանք, որի մասին երազում էինք դեռ մանկուց: Այժմ մենք մեզ շատ լավ ենք զգում: Ունենք հրաշալի դասախոսներ:

Մարդիկ ասում են՝ զույգ լինելը նույն հագուստը կրելը չէ: Դա նույն սիրտ կրելն է: Երբ մեկը ցավ է զգում, մյուսն ակամա լռում է: Երբ մեկը թևաթափ է լինում, մյուսը դառնում է թև: Ես ու Հռիփսիմեն հենց այդպես ենք ապրում՝ մեկ հոգով, բայց երկու ամուսնով:

Մեր կյանքի պատմությունը դեռ նոր է սկսվում: Բայց ես գիտեմ՝ ինչ էլ լինի, մեր ընտրած ուղին՝ կրթել, սեր տալ, սովորել ու սովորեցնել, անպայման կդառնա մեր կյանքի ամենավառ էջերից: Քանզի այն ճանապարհը, որն անցնում ես քրոջդ ձեռքը բռնած, երբեք փշոտ չի լինում:

Շողակաթ ՄԻՐՉԱԽԱՆՅԱՆ

Բանասիրական ֆակուլտետ,

1-ին կուրս

Լրացավ 44-օրյա պատերազմի 5-րդ տարեկիցը: 2020 թվականի սեպտեմբերի 27-ին՝ առավոտյան ժամը 7:10-ին, ստացվեցին առաջին լուրերը, որ Ադրբեջանը սկսել է օդային և հրթիռային հարձակում Արցախի ուղղությամբ: Նույն օրը Հայաստանում և Արցախում հայտարարվեց ռազմական դրություն և զորահավաք: Ադրբեջանը, Թուրքիայի անմիջական օժանդակությամբ, լայնածավալ պատերազմ էր սկսել:

Ներկայացնում ենք ՀՊՄՀ Լրագրության բաժնի երկրորդ կուրսի ուսանողուհի Մարի Մաթևոսյանի ակնարկ-խոհը՝ մեր ժողովրդի ամենաողբերգական էջերից մեկի մասին:

Պատերազմը երբե՛ք չի ավարտվում

Պատերազմի ժամանակագրության մեջ միայն սկիզբն է հստակ: Պատերազմը երբեք չի ավարտվում:

Մեր երկրում պատերազմ սկսվեց. մի ամառվարտ ու անդադար շարունակվող պատերազմ, որի ընթացքում մենք կորցրինք ամենաթանկը և մինչ օրս շարունակում ենք կորցնել...

Պատերազմի մասին հիշողություններն իմ ողջ գիտակից կյանքի ամենացավոտ ու սարսափազդու դրվագներն են:

Պատերազմի հենց առաջին օրը հայրիկս դիրքեր գնաց, ու թեև ես սարսափում էի գիտակցել հնարավոր հետևանքները, բայց ոչ մի պահ չէի մտածում, որ նա (կամ որևէ մեկը) չպիտի գնար: Ես ծնվել ու մեծացել եմ Սյունիքում, միշտ եմ գիտակցել ծննդավայրիս կարևորությունը, դաստիարակվել եմ հայրենասեր ընտանիքում՝ ճիշտ արժեքներով: Շատ լավ գիտեի, որ հողի համար, հայրենիքի համար, երազանքի համար կռվել ու պայքարել է պետք:

Սեպտեմբերի 27-ին սկսվեց չդադարող մղձավանջը. աշխարհը մի պահ կանգ առավ, հետո սկսեց փլվել...

Այդ 44 օրերն անցան անհասկանալի. չեմ կարող ասել՝ արագ, թե դանդաղ, որովհետև այդ օրերին ժամանակի զգացողությունն էլ էինք կորցրել. չէինք ապրում, այլ միայն քարշ էինք տալիս մեր գոյությունը (այդպես անում ենք մինչ օրս):

44 օր շարունակ ոչինչ չէի գիտակցում ու չէի պատկերացնում՝ ինչ էր կատարվում (զուգեց իրականությունից կտրված էի և իրականություն էի վերադառնում միայն օրվա մեջ մի քանի րոպեով, որ կարդայի գոհվածների ամուսնները, որ քանդվեի, որ գիտակցեի՝ ինչքան թանկ գին է վճարվում իմ ապրելու ու լինելու համար, իմ ու իմն պես շատերի հայ մնալու համար...):

44 օր մենք փորձում էինք լավատես լինել կամ գոնե ձևաճալ, փորձում էինք հավատալ, որ ամեն բան լավ է կամ լավ է լինելու, փորձում էինք չկորցնել կապը մեր պատմության հետ և հավատալ, որ «հաղթելու ենք»:

Նոյեմբերի 10-ին թվում էր՝ ամեն բան ավարտվեց, բայց ամեն ինչ սկսվեց հենց այդ օրվանից...

Քառս սկսվեց մեր երկրում, ու ցավոք՝ դա կառավարվող քառս էր: Ես տեսա երբեմնի ամենահզոր ժողովրդին պարտված, ընկճված, հուսահատ... Մի ժողովրդի, որը դեռ երեկ պատրաստ էր վերջին ճիգով անգամ պահելու իր հողը: Մի ժողովրդի, որ հավաքական բռնուցք դարձավ ու «ազգ-բանակ» սկզբունքով սկսեց պաշտպանել իր հայրենիքը, բայց մի ստորագրությամբ մասնատվեց, սկսեց ատել ինքն իրեն ու իր պետությունը և թշնամիներ փնտրել հենց իր տանը...

Մենք գրկվեցինք նախնյաց փառքից, մենք հեռացանք մեր արմատներից ու կորցրինք մեր արժանապատվությունը: Մենք հրաժարվեցինք մեր ինքնությունից, պատմությունից, սրբությունից: Ներքին թշնամին հաղթեց մեզ ավելի, քան արտաքինը երբևէ կարող էր...

Օրեր անց, երբ հայրիկս վերադարձավ տուն, ես տեսա իմ ճանաչած ամենահայրենասեր մարդուն՝ իիսաթափված ու հուսալքված, և պատերազմն իմ մեջ երբեք չավարտվեց...

Պատերազմն իմ տան դուռը չբացեց, բայց շատ դռներ փակեց իմ մեջ՝ հավետ: Պատերազմն իմ կողքով չանցավ՝ անցավ իմ միջով և իմ մեջ այդպես էլ չավարտվեց:

Ես մեծացա. մի քանի ժամում մեծացա, սկսեցի գիտակցել բաներ, որոնք այդ տարիքում երևի պետք էլ չէր գիտակցել: Պատերազմի պայմանական «ավարտից» հետո միայն սկսեցի հասկանալ, թե ինչ է կատարվել:

Հինգ տարի է անցել, բայց ես դեռ Եռաբլուր չեմ գնացել... Մի՛ ներեք ինձ, Տղե՛րք, որ Ձե՛զ այցի գալու ուժ չունեմ, մի՛ ներեք նրանց, ովքեր Ձե՛ր հիշատակը վառ պահել չկարողացան, և խնդրում եմ՝ մի՛ ներեք մեզ, որ Ձե՛ր արյան գնով պահած հողն այսօր պաշտպանված չէ:

Պատերազմը դառնահամ ունի՝ կորցրած մանկության, կիսատ մնացած հույզերի ու անկարողության... Մարդկանց կորստի ու անհայրենիք մնալու դառնահամ:

Այս պատերազմին մենք տվեցինք ամենաթանկը, որ ունեինք՝ մեր լո՛ւյս Տղերքին, լույսից մաքուր Տղերքին ու փոխարենը ոչինչ չստացանք:

Եթե 1994 թ.-ի պատերազմով ձեռք բերեցինք Արցախի փաստացի անկախությունը, իսկ 2016 թ.-ին(ապրիլյան քառօրյա պատերազմ) ունեինք մի մխիթարանք՝ «Բարձունքը մերն է, Տղերքը չկան», ապա 2020 թ.-ին, այդ 44-օրյա աղետից հետո, ոչ բարձունքն էր մերը, ոչ էլ Տղերքը կային... իսկ 2023-ին տեղի ունեցավ սարսափելի... Ո՛չ Արցախը կա, ոչ Տղերքը և ոչ էլ Հայը...

Պատերազմից հետո ոչինչ նույնը չի մնում: Պատերազմից հետո ամենը փոխվում է, ամենքը փոխվում են: Դեռ «պատերազմից հետո»-ն չի եկել, և որպես հայ մեր ամենամկրթական երազանք-նպատակը պիտի լինի, որ այդ «հետո»-ն լինի Արցախի ազատագրումը, հայոց երկրի սահմանների հստակեցումը, մեր երկրի անսասան խաղաղությունը, Հայի տեսակի վերականգնումն ու արժեքների վերագտնումը...

Պատերազմի ժամանակագրության մեջ միայն սկիզբն է հստակ: Պատերազմը երբեք չի ավարտվում:

Մարի ՄԱԹԵՎՈՍՅԱՆ

Լրագրության բաժնի 2-րդ կուրս

Հայրենիքում, դարձյալ և կրկին...

ՈՂ-ում ՀՀ դեսպանությանը կից Մոսկվայի հայկական «Վերածնունդ» կիրակնօրյա դպրոցի՝ Հայաստան ժամանած սաներն այս անգամ ևս բովանդակալից, ազգային արժանատիքներն ու պատմությանը և մեկ քայլ մոտենալու կարևոր միջոցառումների մասնակցեցին: Այդ ամենին նպաստեցին Ազգային պատկերասրահ, տարբեր թանգարաններ, գրադարաններ ու խմբագրություններ այցելությունները:

Մամուլի տուն այցելությունը հետաքրքիր էր գրող, լրագրող, «Հայաստան» պարբերականի գլխավոր խմբագիր Տիգրան Նիկողոսյանի հետ ծանոթության, նրա գրական ստեղծագործական աշխարհին և գործունեությանը ծանոթանալու առումով: Օտար ափերում ապրող հայ երեխաների համար կարևոր դաս էր սա՝ «Ո՞վ ենք մենք, որտեղի՞ց ենք գալիս» հարցի շուրջ խորհելը, պատմական ակունքներին անդրադառնալը: Երեխաները երգեցին «Ղողանջ սեպտեմբերյան»՝ խմբագրի բառերով գրված երգը, որը հաճելի անակնկալ էր:

N11 գրադարանի տնօրեն Քրիստինա Թումանյանի հրավերով դպրոցի տնօրեն Շողիկ Փահլանյանի և հայրենագիտության ուսուցչուհի Քնարիկ Վարդանյանի ուղեկցությամբ այցելություն եղավ գրադարան, որտեղ աշխատակիցները սիրով ծանոթացրին գրադարանին, պահոցին, հարկաբա-



ժիններին, ընթերցեցին հայ դասականների ստեղծագործությունները: Երեխաներն ասումներեցին, երգեցին, իսկ Արինա Գրիգորյանը ներկայացրեց ազգային, նաև իր հեղինակած գեղեցիկ պարը: Ներկա էին ժամանակակից գրողներ՝ Տիգրան Նիկողոսյանը, Օլգա Դարյանը, Սաթենիկ Ղազարյանը, Հայկո Սուքիասյանը, որոնք ընթերցեցին իրենց ստեղծագործությունները:

Անչափ հետաքրքիր էր այցելությունը Ազգային պատկերասրահ. երեխաները վայելեցին ազգային արվեստի գոհարները: Տիկին Շողիկը հետաքրքիր փաստեր ներկայացրեց Հանրապետության հրապարակի կառուցման, «Յոթ աղբյուրի» առեղծվածա-

յին պատմության մասին, որի հեղինակն է Սպարտակ Կոտեղյանը, երեխաները լսեցին նաև գլխավոր ժամացույցի մասին հետաքրքիր պատմություն:

Մեծն Սարյանի թոռնուհու՝ Ռուզան Սարյանի հետ հանդիպումը ևս անմոռանալի էր՝ հենց իր շուրթերից լսելու նկարչի մասին: Մարտիրոս Սարյանի մասին ավելին իմանալու և ազգային դեպի համամարդկայինը տանող գեղանկարչության հետ առնչվելու հնարավորություն էր այս այցելությունը, որ հազեցած էր և բովանդակալից:

Շողիկ Փահլանյանը Դպրության օրվա առթիվ հանդիպում ունեցավ ի. Արմյանի անվան ՀՀ Սկզբնական կրթության

ֆակուլտետի դեկան Հեղինե Խաչատրյանի, Աշոտ Տեր-Գրիգորյանի անվան Մայրենի լեզվի և նրա դասավանդման մեթոդիկայի ամբիոնի վարիչ Ջուլիետա Գյուլամիրյանի, ինչպես նաև «Մանկավարժական համալսարան» թերթի խմբագիր Սիլվա Ասրյանի հետ, ինչպես միշտ, սիրով ներկա գտնվեց Մանկավարժական համալսարանի N 57 և Եղիշե Չարենցի անվան N 67 դպրոցներում՝ մասնակցելով օրվա ոգուն համահունչ տպավորիչ միջոցառում- հանդիպմանը:

Մեծն բանաստեղծուհի Սիլվա Կապուտիկյանի տուն-թանգարանի հետ ջերմ բարեկամությունն ամրապնդվեց ևս մեկ այցով, Շողիկ Փահլանյանը և տուն-թանգարանի տնօրենը՝ Արմենուհի Դեմիրճյանը խոսեցին կատարված հետաքրքիր աշխատանքների, տպագրված գրքերի մասին, որոնք նաև նվիրեցին հյուրերին: Հանդիպմանը ներկա էր լրագրող Մարիամ Միրզոյանը և բանաստեղծուհի Օլգա Դարյանը, որը գրադարանին նվիրեց իր գրքերը:

«Վերածնունդ» կիրակնօրյա դպրոցը ևս մեկ բեղուն ամառային ծրագիր իրականացրեց, որը հարստացրեց մասնակից երեխաների՝ հայրենիքի ճանաչողության գունեղ ներկայանկը:

ՈՂ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոց



Համալսարանի ջոկատի հաղթանակը

Ի. Արմյանի անվան հայկական պետական մանկավարժական համալսարանի ուսանողները մասնակցեցին «Future Economy Summit» կազմակերպության կողմից իրականացված «YoCamp» 2025 ուսանողական-երիտասարդական ճամբարին:

Նրանք հանդես եկան «Կարմիրներ» ջոկատում՝ արտահայտելով միասնականություն և նախաձեռնողական ոգի:

Ճամբարային մրցույթ-խաղերում ՀՀ ՄՄ Ուսանողները գրավեցին պատվավոր առաջին տեղը՝ ցուցաբերելով թիմային համախմբվածություն, բարձր գիտելիքներ և նախաձեռնողականություն:

Ուսանողները վերադարձան ոգևորված, լի նոր գաղափարներով, վառ տպավորություններով, նոր ծանոթություններով ու փորձով:

Շնորհավորում ենք մեր բուհի ուսանողներին և մաղթում ենք նոր ու շարունակական հաղթանակներ:



Մասնակցեցին «Առաջնորդների արհեստանոց» միջազգային դպրոցին

Սեպտեմբերի 21-25-ը Մանկավարժական համալսարանի 5 ուսանող մասնակցեց Արմավիրի պետական մանկավարժական համալսարանում (ՈՂ) անցկացվող «Առաջնորդների արհեստանոց» միջազգային դպրոց կրթական ծրագրին:

Այն համախմբել էր Հայաստանի, Ռուսաստանի, Աբխազիայի և Հարավային Օսիայի բուհերի ուսանողների. գերհազեցած ծրագրի շրջանակներում մասնակից թիմերի համար անցկացվեց թիմային աշխատանք և հրապարակային ելույթների դասընթացներ, վարպետության դասեր, ծանոթացում բուհին, այցելություններ տեսարժան վայրեր, նախագծային աշխատանքներ և այլն:

5-օրյա ծրագիրը հնարավորություն տվեց ծրագրի

և արդյունքների վերջնական գնահատում: Հատուկ ուշադրություն դարձվեց թիմային կառավարմանը, ռիսկերի նվազագույնի հասցնելուն, թիմի ներսում հաղորդակցության հաստատմանը:

«Մեկ նախագծի շուրջ համագործակցությունն ու ակտիվ աշխատանքը հնարավորություն տվեցին ոչ միայն բարելավել մասնակիցների հմտությունները, այլև գործնականում ամրապնդել նոր ստացած գիտելիքները՝ իրական խնդիրների լուծման համար»,-նշեց ՀՀ ՄՄ «Մաթեմատիկա-ինֆորմատիկա» բաժնի ուսանող Վարուժան Ավագյանն ու հավելեց՝ կրթական ծրագիրը կնպաստի մասնակիցների մասնագիտական աճին և կարիերայի առաջխաղացմանը:

«Առաջնորդների արհեստանոց» միջազգային



38 մասնակիցներին ոչ միայն զարգացնել իրենց հմտությունները, այլև դառնալ կուռ միջազգային համայնքի մաս՝ հիմք դնելով ապագա համագործակցությունների և հետագա համատեղ նախաձեռնությունների:

Ծրագրի մասնակիցները կարևորեցին Արմավիրի պետական մանկավարժական համալսարանում կայացած առաջնորդության հմտությունների զարգացման վերաբերյալ կրթական սեմինարը, որն անցկացրեց ռեկտոր Եվգենի Նիժնիկը:

Նախագծերի կառավարման վերաբերյալ ինտերակտիվ սեմինարի նպատակն էր զարգացնել ժամանակակից ղեկավարման համար անհրաժեշտ հիմնական հմտությունները:

Ռեկտորն ուսանողներին ծանոթացրեց նախագծերի կառավարման տեսությանն ու պրակտիկային՝ գաղափարների ստեղծումից, նպատակների սահմանումից մինչև ռեսուրսների տրամադրում, իրականացում

դպրոց կրթական ծրագրի հանդիսավոր փակմանը Արմավիրի պետական մանկավարժական համալսարանի (ՈՂ) ռեկտոր Եվգենի Նիժնիկը նշեց՝ առաջնորդները նրանք են, որոնք գիտեն, թե ինչպես ճիշտ կենտրոնացնել իրենց ներքին ուժն ու էներգիան՝ այն ուղղորդելով ճիշտ ուղղությամբ:

Ռեկտորը հույս հայտնեց, որ տարբեր երկրների ներկայացուցիչների միջև շփումը կշարունակվի. կիրականացվեն համատեղ նախագծեր, նախաձեռնություններ, կնախաձեռվեն զարգացման նոր ուղղություններ. «Թող կրթական այս ծրագիրը հզոր խթան դառնա ձեր անձնական աճին և միավորող թիմային ոգուն: Սահմանեք իսկականորեն նպատակներ, հասնեք դրանց և շարժվեք առաջ»,-ասաց նա:

Ծրագիրն ավարտվեց վկայականների հանձնմամբ, տոնական համերգով, «Լիմել միասին», բարեկամության ավանդական հրաժեշտի խառնուրդով:

Մարին ԱՂԵՎՅԱՆ

Գրանցման վկայական՝ 01Մ00184 տրված է 26.03.2008 թ.
Հասցեն՝ Տիգրան Մեծի 17, հեռ. 59-70-97:
Էլ. փոստ՝ Newspaperasp.am, asrysansilva@gmail.com
Ծավալը՝ 2 տպ. մամուլ

Թերթի նյութերի արտատպումներն առանց
խմբագրության համաձայնության արգելվում է:
Հղումը պարտադիր է:
Թերթը կարող եք կարդալ ՀՀ ՄՄ կայքում՝
www.aspu.am

Գլխավոր խմբագիր՝
Սիլվա ԱՍՐՅԱՆ
Բանասիրական գիտությունների թեկնածու
Էջադրումը՝ Պետրոս ՎԱՐԴԱՆՅԱՆԻ